



Malamalama i Fair Pay Agreements: Taiala faigofie mo pule o galuega

O le auga tonu o Tuutuuga o le Fair Pay

E avea Fair Pay Agreements (FPA) e tuufaatasia asosi o pule o galuega ma iuni i totonu o se matātā e faia se maliega o tuutuuga mauualalo tau galuega mo tagata faigaluega uma o aofia i se matātā po o se galuega. O lona uiga e faia se feiloaiga a sui a le tagata faigaluega ma le pule o le galuega e faatalanoa ma malilie i tuutuuga o se galuega ua fai.

E tatau i se Tuutuuga o le Fair Pay ona aofia ai tagata o aofia i se FPA; itula masani; aofaiga mauualalo o tofogi, e aofia ai ovataimi ma faasalaga; aoaoga tau tomai ma atinaega; o le aofaiga o aso mālōlō e agavaa ai se tagata faigaluega; ma le umi e aogā ai se FPA.

O le faagasologa o le Fair Pay Agreement



Tau amataina mai: E amata faagasolo le faiga o se FPA pe a faamaopoopo e se iuni tagata o lagolagoina se FPA ma faamauina o se vaega o talosaga e tuuina atu i le Ministry of Business, Innovation and Employment (MBIE). Afai e talia, ona faasolo lea o se maliega.



Faia o se maliega: E umi se taimi faatoa maua se maliega o itu uma e tusa ma tulaga o nofoaga o faatino ai galuega ua malilie uma i ai.



Palota (ta'ua foi o le faamaoniga aloaia): O le taimi lava ua maua ai se maliega o itu uma e lua, ona mafai loa e tagata faigaluega ma pule o galuega e agavaa ai ona palota pe faamata ua malilie i tuutuuga o se galuega pe leai.



Faamausali se Fair Pay Agreement: Afai o le toatele o itu uma e lua na malilie i tulaga ua faataatia, ona faamausali loa lea o se FPA ma avea ai ma tulafono.

E eseese tiute ma matafaioi a pule o galuega, tagata faigaluega ma sui o itu uma o faia maliega i le faagasologa o se maliega.

O ai o avea ma sui o nisi i le vaietimi o faia ai se maliega

- › O le itu e faia se maliega mo pule o galuega: Asosi o pule o galuega e agavaa, e aofia ai asosi tau matātā, ma e faia se maliega mo pule o galuega uma o aofia i le FPA ua faatūina. E aofia ai pule o galuega e lē o ni sui o se asosi o pule o galuega po o se asosi tau matātā.
- › O le itu e faia se maliega mo le tagata faigaluega: E faia e (le) iuni e agavaa se maliega o se FPA mo tagata faigaluega uma o aofia i se FPA ua faatūina. E aofia ai tagata faigaluega e lē o ni sui lesitala o se iuni.
- › E tatau i itu uma o faia se maliega ona faatino tulaga uma e iloga ai tagata Māori i le faagasologa o se maliega. E aofia ai le sailia ma iloilo manatu faaalua mai sui o tagata faigaluega/pule o galuega Māori ma silasila i tulaga e talafeagai ai ona iai se sui o Māori o aafia i tualumaga o le faiga o se maliega.

E iai aiatatau ma matafaioi o pule o galuega o aofia i se Fair Pay Agreement ua faatūina i le faagasologa atoa o se FPA.

O AIATATAU O OE O SE PULE O SE GALUEGA:

TAU AMATAINA MAI: pe a faia e se iuni se talosaga/faamaonia

- ✓ Afai e tatala le avanoa i le mamalu o le atunuu e faaali ai manatu, o le avanoa lenei e mafai ai ona faaali sou manatu
- ✓ E tatau ona tuuina sa’o atu ia te oe e se iuni se faasilasilaga pe afai ua faamaonia le faia o se talosaga e amata ai le faia o se maliega o se FPA fou ma tuuina atu ia te oe faamatalaga e tusa ma le FPA ua faatūina mo au tagata faigaluega
- ✓ E maua foi faamatalaga i uegatafailagi o iuni o tau amataina mai se maliega ma faamaoniga ua lisi atu i le uegatafailagi a le Ministry of Business, Innovation and Employment.

FAIA O SE MALIEGA: auai se sui o le pule o galuega i taualumaga o le faia o se maliega

- ✓ E saunia e asosi o pule o galuega lipoti lata mai mo lou silafia pe afai o oe o se pule o galuega o aofia ai
- ✓ E tatau ona tuu atu le avanoa e faaali ai sou manatu i le vaitaimi o faagasolo ai le faia o se maliega
- ✓ E tatau ona iloilo ina tulaga uma o aiaina e pule o galuega o aofia ai.

PALOTA: i le taimi lava ua maua ai se maliega o itu uma

- ✓ E ono mafai e pule o galuega e agavaa tuutuuga o le FPA.

O AU MATAFAIOI O LOU TULAGA O LE PULE O LE GALUEGA:

TAU AMATAINA MAI: pe a faia e se iuni se talosaga/faamaonia

- ✓ Afai ua faailoa atu se faamaoniga o se talosaga e tau amata ai se maliega mo se FPA, e moomia ona e faailoa isi uma iuni o avea ai au tagata faigaluega ma sui lesitala
- ✓ E moomia ona e tuuina sa’o atu se faamatalaga i tagata faigaluega o aofia ma o faamatalaga o le a saunia e le iuni na tau amataina mai, ma e aofia ai le igoa o le iuni na tau amataina mai ma le auala e faafesootai ai
- ✓ Tuuina atu se pepa mo tagata faigaluega e lē fia auai, toe aoina mai pepa nei, ma faamauina
- ✓ Saunia faamatalaga e faafesootai ai tagata faigaluega e lei filifilia le vaega e lē auai i le iuni o tau amataina mai.

FAIA O SE MALIEGA: auai se sui o tagata faigaluega i taualumaga o le faia o se maliega

- ✓ E moomia ona e tuuina atu faamatalaga i tagata faigaluega na maua mai le itu o tagata faigaluega o se maliega i le vaitaimi atoa o faagasolo ai se maliega
- ✓ E moomia ona e tuu le avanoa i au tagata faigaluega e auai ai i le 2 x zitula totogi mo fonotaga ua faatulaga e le itu o tagata faigaluega o se maliega
- ✓ Tuu le avanoa i se sui mai le itu o tagata faigaluega o se maliega e ulufale ai i le falefaigaluega
- ✓ Afai ua mana'o (le) tagata faigaluega e lē auai/auai i soo se taimi, e tatau ona e faailoa atu i le iuni o tau amataina mai o faamatalaga lata mai e faafesootai ai le itu o tagata faigaluega o se maliega.

PALOTA: i le taimi lava ua maua ai se maliega o itu uma

- ✓ E ono mafai e au tagata faigaluega e agavaa ona palota i tuutuuga o le Fair Pay Agreement. E aofia ai tagata faigaluega na faamauina muamua e lē auai i le maua atu o faamatalaga o le FPA ua faatūina.

O le taimi e aloaia ai se Fair Pay Agreement

O le taimi lava ua mausali ai se Fair Pay Agreement ma avea ai ma tulafono ona faapena lea ona aafia ai tagata faigaluega uma o aofia ma pule o galuega uma o aofia.

O pule o galuega uma o aofia i le FPA e tatau ona latou faamautinoa o tuutuuga ua aloaia i maliega tau galuega mo tagata faigaluega uma ua aofia, e tutusa lea ma tuutuuga pe sili atu foi ma tuutuuga o faataatia atu i le FPA.

Mo nisi faamatalaga:

Mo nisi faamatalaga e uiga i Fair Pay Agreements ma isi faamatalaga e fesootai i galuega faamolemole tagai i le www.employment.govt.nz/fair-pay-agreements

E lē noatia ai: Ua na o se taiala faamatalaga nei, e lē o ni faamatalaga faatulafonoina, ma e lē tatau ona suia ai fautuuga faaletulafono po o faaupuga o faamauina i le Fair Pay Agreements Act 2022. E lē taliaina e le MBIE se tuua'iga po o se noataga o se faamatalaga moni ua sese na faamatalaina, faaliliuina po o manatu e afua mai ai, ma e lē tuua'ia foi mo ni tulaga e aliae ona o ni faaiuga na faavae i luga o faamatalaga nei.